

S **LO**
Afl. 1.25

BRIYANDO FUERTE • TRECIENDO CLARIDAD
DIALUNA 7 APRIL 2025

Di Pueblo

**FUNDACION LANTA
PAPIAMENTO CU
DIRECTIVA NOBO**



WWW.SOLODIPUEBLO.COM



SOLODIPUEBLO@GMAIL.COM

**BOTO CU 470
KILO DI DROGA
INTERCEPTA
Y 4 HOMBER
DETENI**



**POR ENTREGA
NOMINADONAN PA COPA
HUBENIL GOBERNADOR
FELIPE B. TROMP**



**CHAUFFEUR A PERDE
CONTROL BAY KENTEL DEN
ROOI NA SAN BARBOLA**



**PICK-UP A SUBI SALI SIN
A WAK BROMMER Y A DAL
ESAKI BENTA ABAO**



POR ENTREGA NOMINADONAN PA COPA HUBENIL GOBERNADOR FELIPE B. TROMP

Inscripcion ta habri pa entrega nominacionnan pa Copa Hubenil Gobernador Felipe B. Tromp pa aña 2025.

Ultimo dia pa entrega un nominacion lo ta diabierna 18 di april 2025. Por haci e entrega di nominacion via e link.

Nomin'e via e link indica riba ATHA su pagina di Facebook; <https://form.jotform.com/240794581485367>

of via email adres: info@athaaruba.com

E descripcion por ta acompaña pa potret, recorte di corant etc y cu number y telefon di e persona of instancia cu ta haci e nominacion.

E Copa Hubenil Gobernador Felipe B. Tromp a keda institui na 1992, despues cu e prome gobernador di Aruba, señor Felipe B. Tromp a pasa e encargo pa Gobernador mr. Olindo Koolman.

Señor Felipe Tromp a nace na Aruba riba dia 15 di october 1917 y a fayece riba dia 12 di augustus 1995. E tabata un persona hopi activo riba tereno social y cultural. Por menciona cu e tabata den diferente organisacion cultural manera Fundacion Centro Cultural. E fundacion aki tabata responsabel pa desaroya e campo cultural na Aruba cu ayudo di e fondo Hulandes Sticusa durante e periodo 1948 pa 1991. Ya na 1984 a cuminsa pasa e fondonan directamente pa Aruba.

Señor Tromp a ocupa diferente cargo publico manera politico, ministro y inspector di enseñansa y na 1986 el a bira e prome Gobernador di Aruba.

Kendenan ta bini na remarca pa e copa Hubenil?

Un hoben of organisacion hubenil cu a destaca durante e ultimo aña sea riba tereno cultural, social of deportivo por wordo nomina.

E edad mester ta entre 8 pa 21 aña. Y e periodo di e logronan mester ta di 15 di april 2024 pa 15 di april 2025.

E logronan por ta premionan gana, pero tambe hopi importante loke e hoben of grupo a haci na nan propio formacion manera curso, trabou comunitario, disciplina etc.

Comision ta invita tur instancia cultural, social y deportivo pa repasa e actividadnan realisa pa nos hobennan durante e periodo menciona y pa manda e nominacionnan prome cu e fecha di dia 19 di april proximo.

E ganado(nan) lo ricibi e premio for di man di Su Excelencia Gobernador di Aruba riba dia 27 di april, na ocasion di dia di Rey.

Pa mas informacion por tuma contacto cu ATHA via telefon: 582 3773 of manda un email na info@athaaruba.com

Comision Copa Hubenil Gobernador Felipe B. Tromp 7 di april 2025



Clasificados

SOLODIPUEBLO@GMAIL.COM



CEL. 585 9500

CHAUFFEUR A PERDE CONTROL Y A BAHACAMINDA BAY KENTEL DEN ROOI NA SAN BARBOLA



Diadomingo madruga a drenta informe di un accidente cu hende herida na San Barbola, mesora a dirigitanto polis, ambulans como tambe e unidad di rescate di bombero. Na yegada di e patruya a bin compronde cu aki ta trata di un Kia Seltos cu a perde control baha caminda bay cay kentel den rooi. E chauffeur no por a sali for di e auto manera cu e tabata pero cu ayudo di bomberonan a logra sak'e for di patras. E personal medico di ambulans a atende na e sitio mes.

DAMA CHAUFFEUR A SLIP RIBA CAMINDA MUHA RASPA AUTO CONTRARIO Y DAL RIBA MURAYA DI CAS



Diasabra mainta a drenta informe di un accidente na Van Leeuwenhoekstraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda un dama chauffeur di un Chevrolet Aveo unda e dama a bay primi brake na e bocht pabao di hospital bieu y e auto a slip bay banda robes raspa riba auto contrario y bay dal riba muraya di un cas. E muraya tabata fuerte y a wanta e auto. Afortunadamente ningun hende a resulta herida.

ARUBA TA PONE FAMIA NA PROME LUGAR: MINISTER WYATT-RAS A RICIBI PRESENTACION EXCLUSIVO TOCANTE E INICIATIVA DI “FAMILY FRIENDLY WORKPLACES”

Minister di Asunto Social, Salubridad, Cuido di Adulto Mayor y Maneho di Adiccion, sra. drs. Mervin Wyatt-Ras a ricibi awemainta un presentacion exclusivo riba proyecto “Family Friendly Workplace” for di e partnernan internacional cu ta trahando hunto cu Comision Vision Pedagogico. E comision aki ta ser presidi door di Departamento di Asunto Social y ta consiti di 5 organisacion cu ta traha diariamente riba sosten na mayor. E miembro di e organisacionnan ta, Fundacion Pa Nos Muchanan, Fundacion Respeta Mi, Tienda di Educacion y Wit Gele Kruis Aruba.

E siman aki a tuma lugar un serie di workshop di tres dia diseña pa sigura cu ta colecta informacion valioso for tanto sector priva, gubernamental, no-gubernamental y sindicato. E iniciativa aki ta un

testimonio di e poder di colaboracion. Tur sector ta compronde cu mayornan tin hopi responsabilidad y cu tin un desafio grandi pa balansa e bida di trabou y esun di famia.

Danki na e sosten financiero di Nationale Postcode Loterij di Hulanda, Aruba ta conta cu sosten tecnico di un team di experto di taya mundialmente renombra manera, sra. Ytske van Winden di UNICEF Hulanda, sra. Laurie Markle, sra. Ana Pro y sra. dr. Jenny Doubt di Parenting for Lifelong Health y sra. Fatmah Alkaabi cu ta lider di e proyecto “Parent-Friendly Label program” na Abu Dhabi.

Aruba ta conta cu e miho sosten tecnico disponibel pa hasi e iniciativa aki un realidad. Un proyecto asina lo tin un impacto grandi pa e famianan y e comunidad en general di Aruba.



ACCIDENTE PA FALTA DI PREFERENCIA NA E CRUSADA PITASTRAAT SANTA HELENASTRAAT



Diasabra atardi a drenta informe di un accidente na e crusada Pitastraat y Santa Helenastraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente

pa falta di preferencia unda e chauffeur di un Nissan biniendo for di nort a subi sali dilanti un Hyundai cu tabata tin preferencia. Afortunadamente ningun hende a resulta herida.

WARDACOSTA TA INTERCEPTA BOTO CU DROGA Y TA DETENE 4 HENDE HOMBER



Diabierna madruga a detecta un boto den awanan territorial cual tabata nabegando direccion di Aruba. Mesora Wardacosta a dirigi un di su botonan Metal Shark cu a logra intercepta e boto cu tabata tin intencion pa drenta Aruba cu droga. Abordo di e boto tabata tin 4 hende homber di nacionalidad

Venezolano. E hombernan diferente bulto cu tabata droga. E personanan a ser di Aruba y e caso ta den riba e boto tabata tin contene mas cu 470 kilo di entrega na Cuerpo Policial investigacion

Expression of Interest Reconstruction of Slope at Port O'stad

Aruba Ports Authority N.V. (APA) invites interested and qualified contractors with experience in nautical and maritime projects to submit an Expression of Interest (EOI) for the purpose of determining their interest, capacity and expertise to undertake services of upcoming projects in the maritime sector. The project entails the maintenance and/or (re)construction of a slope (talud) at Port Oranjestad. The purpose of the EOI is to identify construction companies that wish to participate in a forthcoming solicitation process. This EOI does not constitute a formal solicitation for bids, nor does it obligate APA to proceed with any contractual arrangements. Any requests for proposals (RFPs) will be issued separately.

Project Overview

In general terms the project entails the reconstruction of the Slope at Basins between Quay E & F, Quay G & H and area west of Quay I.

Works include:

- The construction of steel sheet pile walls with the use of appropriate machinery and equipment to execute the tasks efficiently and safely,
- Securely install brickworks or stones behind the steel sheet pile wall (to the north) as per the design specifications,
- Proper disposal of all waste material in compliance with local safety and environmental standards.

Contractor Requirements:

To be considered, contractors must have the following qualifications:

- Proven experience in maritime construction and/or nautical-related projects and steel piling field.
- Adequate workforce and equipment capacity to handle large-scale projects.
- Compliance with all local, regional, and international maritime safety standards and environment regulations.
- Strong project management skills with a demonstrated ability to meet deadlines and budget constraints.
- Previous successful partnerships or collaborations in the maritime industry are preferred.

Submission Requirements:

Interested contractors are requested to submit the following information:

1. Company profile and history, including a summary of relevant experience.
2. Detailed list of services offered within the maritime industry.
3. Evidence of past project successes, including project descriptions, timelines, and outcomes.
4. A summary of skilled workforce, their technical capabilities, and experience.
5. Proven financial stability to handle large projects.
6. Any additional relevant documents or certifications.

Deadline for Submission:

Final date to submit all EOI responses and any inquiries is **April 11, 2025 before 10:00 a.m.**

All should be directed to: tender@arubaports.com. Subject/reference of email:

Reconstruction of Slope at Port O'stad

Submissions received after said deadline will not be considered.

Next Steps:

Upon reviewing the submissions, APA will shortlist potential contractors and reserves the right to invite them for further discussions and tender submissions based on the information provided in the EOI.

We look forward to receiving your submission and potentially collaborating on this exciting project.


Sincerely,
ARUBA PORTS AUTHORITY N.V.
April 2025



ACCIDENTE CU HENDE HERIDA PA FALTA DI PREFERENCIA NA PIEDRA PLAT



Diasabra atardi a drenta informe di un accidente cu hende herida na Piedra Plat, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente pa falta di preferencia. Ta asina cu e chauffeur di un Hyundai Tucson biniendo for di nort a subi caminda sin a duna preferencia na e NetaV biniendo for di pariba. Na yegada di e ambulans nan a atende e victima.



SOSPECHOSO DEN BOEI A BAY MUSTRA AUTORIDAD ALGO SCONDI




Shiribana/ Tanki Leendert - Diasabra merdia por mira momento cu recherchenan di Santa Cruz atendiendo un caso cu un sospechoso.

Ta asina cu e sospechoso den boei lo a trece e recherchenan, na un skina di un edificio nobo. Den e yerba nan e la sak y piki un obheto cu e lo a sconde eybou.


Despues di a piki esaki, e la wordo escolta pa e vehiculo y hunto cu e agentenan nan a bandona e sitio unda cu e investigacion lo a continu

CHAUFFEUR CANSA DI TRAHA BAYENDO CAS NO A REGULA SU VELOCIDAD NI A MANTENE DISTANCIA A BAY DAL TRAS DI E AUTO SU DILANTI



Diasabra madruga a drenta informe di un accidente dilanti di Bestuurskantoor, un ambulans cu pa casualidad tabata pasando a atende e hendenan pero ningun tabata herida. Na yegada di polis a bin compronde cu aki ta trata di un accidente unda cu

un chauffeur poco cansa despues di a traha tabata bayendo su cas dem su Honda Fit y no a regula su velocidad ni a mantene distancia a bay dal tras di un Toyota Altezza. Afortunadamente ningun hende a resulta herida.



BANKOMATIKO+ SPECIAL PICKUP SATURDAY

April 12, 2025 | ABC Branch (Hyatt Place Aruba Airport) | 10 AM – 2 PM

E dia aki ta specialmente pa clientenan cu ainda no a busca nan tarheta nobo di Bankomatiko+.

Pa un dia so riba diasabra 12 di april nos lo habri specialmente pa clientenan por pasa busca nan tarheta.

Pa e dia aki so e punto central pa e pickup lo ta ABC Branch (den Hyatt Place Aruba Airport).

E orario lo ta di 10:00 AM te cu 2:00 PM.


Nos ta recorda tur cliente pa trece un identificacion valido manera cu ta e caso pa tur transaccion bancario.

Probeca di e dia special aki, ya cu dialuna tur tarheta lo wordo manda bek pa e branch designa.

Si tin cualke pregunta por fabor tuma contacto cu nos via eAmigo LIVE CHAT of Whatsapp.



PICK-UP A SUBI SALI SIN A WAK BROMMER Y A DAL ESAKI BENTA ABAO



Diasabra atardi a drenta informe di un accidente cu hende herida na Santa Martha, mesora a dirigi tanto polis como ambulans na e sitio. Na yegada di e patruya a bin compronde

cu aki ta trata di un accidente entre un pick-up y un brommer. Ora cu e pick-up a bay subi caminda pero no a mira e brommer ta bini y a sali dilanti di esaki. Nan a dal

den otro y e motociclista a cay. E motociclista tabata tin hopi dolor na su pia. Na yegada di e ambulans nan aatende y transporte pa hospital.

POLIS A HIBA UN TURISTA BEBI CU A CAY NA UN SITIO NOCTURNO PA UNDA E TA KEDANDO!



Diadomingo madruga a drenta informe di cu tin un hende cu a cay na un sitio nocturno na Palm Beach, mesora a dirigi polis y ambulans na e sitio. Na yegada di e patruya a bin compronde cu e homber ta bebi y lo a cay y a herida su mes. Na yegada di e ambulans nan a atende na e sitio mes. Polis a yuda e turista dunando e un lift pa unda e ta kedando.



FUNDACION LANTA PAPIAMENTO CU DIRECTIVA NOBO

Recientemente Fundacion Lanta Papiamento (FLP) a instala su directiva nobo pa e periodo di 2025-2028. E directiva aki ta consisti di e siguiente personanan: presidente Joyce Pereira, secretario Cesar Kelly, tesorero Yorleny Oduber, vice-presidente Carlos Croes, di dos secretario Ronnie Alders, di dos tesorero Melina van der Linden, miembro/comisario Lilian Gil.

Importante ta e echo cu no ta solamente docente y linguista ta miembro di directiva, sino tambe persona di otro sector, manera prensa y teatro.

A celebra instalacion di e directiva nobo aki cu un brindis hunto cu algun persona cu ta masha importante den existencia di FLP.

E reunionnan di directiva di FLP ta tuma lugha na ‘Think Tank Workplace’ di señora Soraya Peterson.

FLP a keda funda oficialmente dia 21 di februari 2010, pero for di 22 di mei 2009 a lans’e cu un anochi festivo di informacion na Centro di Bario Playa P’abou.

Despues di hopi discusion durante hopi aña porfin dia 21 di mei 2003 Papiamento a bira lenga oficial di Aruba hunto cu Hulandes.

Oficialisacion di un idioma so no kiermen nada en realidad, si e aceptacion no t’ey y si ta sigui trata e idioma concerni como un idioma di rango inferior of, pio ainda, como algo sin balor. E trabou di duna



informacion na pueblo y di conscientisa nos hendenan mester ta algo continuo. Esey ta loke nos fundacion kier haci. Nos fundacion ta boga pa cambio di acercamento, posicion y maneho relaciona cu Papiamento.

Concretamente e metanan di Fundacion Lanta Papiamento ta encera:

- Mehoracion y desaroyo di e status di idioma Papiamento, tanto nacionalmente como internacionalmente,
- A m p l i a c i o n

y profundisacion di conocimiento di tur aspecto di Papiamento,

- Conscientisacion di nos pueblo di e balor di idioma Papiamento pa su propio desaroyo,
- Desaroyo di un bon maneho y planificacion di idioma na bienestar di tur sector den comunidad, di gobierno y, en especial, di enseñansa.

Y tur esaki pa medio di investigacion di tur aspecto di idioma y informacion pa medio di entre otro congreso, tayer, charla,

publicacion, actividad cultural.

Nos por formula nos mision na e siguiente manera:

Nos tur, papiado di Papiamento, mester tin un conocimiento amplio di nos idioma y mester ta consciente di su balor, pa por yud’e haya e lugha cu e merece den tur elemento di nos cultura, particularmente den nos enseñansa.

Directiva di FLP ta spera cu su actividadnan ta haya un bon acogida den pueblo.

Directiva di Fundacion Lanta Papiamento, drpd Carlos Croes, Yorleny Oduber, Joyce Pereira, Melina van der Linden, Cesar Kelly.

Ausente riba e potret aki ta Lilian Gil y Ronnie Alders cu tabatin un kebrante di salud.

Directiva di Fundacion Lanta Papiamento hunto cu su grupo di sosten.

ACCIDENTE PA FALTA DI PREFERENCIA NA SALIDA DI CINEMA'S



Diasabra mainta a drenta informe di un accidente na salida di The Cinema's, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e chauffeur di un Nissan March tabata di bay sali

for di The Cinema's y bira bay pabao pero ela sali sin duna preferencia na e Chevrolet Spark biniendo for di pabao y a bay dal esaki aunke ela purba hala na man robes pa evita e impacto. Afortunadamente ningun hende a resulta herida.



Dama Chauffeur a slip riba caminda muha perde control raspa riba palo di lus



Diasabra mainta a drenta informe di un accidente cu hende herida na e birada

di Meiveld, mesora a dirigi tanto polis como ambulans na e sitio. Na yegada di e

patruya a bin compronde cu aki ta trata di un accidente unda cu un dama chauffeur



den un Subaru a slip riba e caminda muha perde contro y a bay raspa na e palo di lus. Debi na e impacto y movecion e dama a resulta herida cu dolor na curpa. Na yegada di e ambulans nan a atende y como cu e no kier bay hospital ela firma e papel

pa no bay hospital.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

Concierto CHRIS- y TANIA KROSS

tawata fantastico

Pa: Addonsito J. Croes



E siman cu a pasa a tuma
luga den Cas di Cultura e
concierto Kross & Kross
di e artista- y famianan
Chris Kross y Tania Kross.
Tawata dos concierto
unico di calidad halto cu
di principio te final a pone

e publico presente disfruta
sin fin. E publico a consisti
di Aruba su hendenan di
un gusto unico cultural
moderno.
E banda, cu a haci un
tremendo presentacion,

CONTINUA PAG 11

Concierto CHRIS- y TANIA KROSS tawata fantastico

Pa: Addonsito J. Croes



Caballé y Freddy Mercury, titula Barcelona cu Tania Kross tin riba e plataforma Youtube mas cu 7000.000 views.

Tambe e artistanan a pidi e publico pa no lubida di coopera y sostene Cas di Cultura su campaña di recaudamento di fondo cu ya a cuminsa. Na nomber di nos Stichting Klein Aruba nos ta felicita Chris-, Tania Kross, tur e musician y sigur Karen- y Gerold Kross cu sosten di Vibration PR & Media di Maria Silva cu dos concierto unico y completo bendi. Mas informacion y mas potret por bishita www.Arubamusician.com.



CONTINUACION PAG 10

tawata bou guia di e superstar Chris Kross y a consisti di artistanan di oro Arubano manera Ivan Quandus, Johnny Scharbaay, Christopher Rodulfo, Pièrre Koolman, Schlipken Croes y Jorzinho Kelly.

Cancionnan presenta tawata e.o. Toch mi sa, A Rosa y el sauce, Min'sa di Padu, Rebiba, Wow'i cariño, Andicuri, Atardi, Spain, Nenita, Plegaria y hunto cu artista local Edjean Semeleer e cantante Tania Kross a presenta e hit grandi, original di Montserrat

Pelicula local E Bruha, Bruha tawata exitoso



pelicula produci pa Desiree Croes, E Bruha, Bruhá a finalisa na un forma unico.

Tawata riba e ultimo dia cu cinema a pas'e cu e elenco a topa tur esnan cu a bay wak e.

E bruha, bruha a tuma total 11 luna pa filma y tawata Semi Chahmi esun cu a filma y edit'e.

Cu orguyoy agradecimento e elenco principal cu ta Desiree Croes (Genoveva), Addonsito Croes (Francis), Yvonne Tromp (Dudu), Yolanda Croes (Margarita), Mirtho Tromp (Gabriel), Ruben Croes (chauffeur religioso), Nigel Maduro (Indjan) cu naracion di Erin Croes, ta gradici un y tur cu a bay wak e pelicula nobo aki.

Den e mundo di pelicula no ta facil pa convence otro pa sali y bay cinema. Sigur

no pa wak un pelicula local. Cu orguyo e pelicula E Bruha, Bruha si a logra trek basta hende local y esaki a inclui cuater sala VIP yen na Renaissance.

E comentarionan di esnan presente despues di e pelicula y riba social media a laga e productor y actornan sinti aprecia.

E aplauso den e salanan na final tambe a demonstra con hopi e bishitantenan a disfruta di dje.

Debi na peticion grandi ricibi, e productor ta deliberando cu cinema si ta logra pas'e sikiera un biaha mas.

E Bruha, Bruha ta filmacion di e cuenta cortico di mesun titulo, saca for di e buki di cuentanan cortico NO MAS fo'i 2016 di Desiree Croes.

SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Un bon dia yen di sabiduria den nos alegria ! Danki pa ta un bon rubiano cu ta stima su isla, su famia y ta traha duro pa hiba su mes, su famia y su isla padilanti. Nos arubianonan ta hendenan humilde, balente y cu fe den Bon Dios. Un dushi fin di siman tray lomba ta sigui inspira nos tur pa sigui duna bon Dios danki pa salud, pa bida, pa alegria y pa nos sabiduria. Aruba por a goza di un actividad cultural riba Plaza Padu Diabierna anochi cu varios presentacion di nos artistanan local. Entre otro nos por a wak algo di e anochi bunita aki riba face book, segun mi, e transmision di tele aruba. Un forma cultural cu a scoge y organisa pa a presenta na pueblo e Gabinete AVP/FUTURO cu awor di berdad tin cu cuminsa traha cu amor y seriedad pa Aruba, despues di simannan largo di deliberacion cu instancia - y fundacionnan cu tin mester di un of otro ayudo. Nos a goza wak nos bunita amiga Vivian Lampe, yui di Juan Chabaya "Padu" Lampe toca piano keyboard cu canto di Victor Samuel, entrepretando nos segundo hymno "Aboso" di Padu Lampe. Nos no a wak ful e programa, pa motibo di otro compromisonan, pero ta sigur cu e tawata

un dushi anochi ariba un bunita plaza cu tin hopi tempo sin usa, cu a luci atrobe. Nos a bin topa cu nos prome ministro Mike Eman alaves encarga cu cultura na Cas di Cultura Diasabra atardi na e actividad Arte di Palabra cu participacion di 25 hoben cu nan poema, rap y of storia cortiko, competiendo contra otro pa wak kennan ta bay representa Aruba den e competencianan ABC di Arte di Palabra cu lo tuma lugar e anja aki na nos isla ruman Boneiro. Nos prome guapo ministro cabayero tawata den compania di su bunita sra. esposa Doina y e gentil cabayero Robert Maduro. Despues nos a mira tambe parlamentario Stefany Sevinger sinta ful dilanti, ora Lady Ruth a bay saca algun pics pa pone den su relato. Nos a sinta banda di e bunita y simpatico Munye Oduber-Winklaar den e sala di Cas di Cultura y a sucha e prome grupo di hobennan presenta nan bunita obra. Lady Ruth a goza e hoben cu a presenta su obra "Patras di e pantaya tin poder", papiando di e tecnologia digital cu su shares, likes y comments cu tin biaha por hasi otronan dolor. Nos a nota cu hopi hoben a papia di e tema Amor den diferente bachi. Nos

ta puntra nos mes, ta awor nan bida ta cuminsa, ta kiko tanto nan sa di e tema Amor, pero nan a impacta den nan actuacion. Un di e storianan cu a impacta nos tawata e storia di "Nenny" cu e hoben presentadora no tawata sa sigur si Nenny tawata un mucha muher of mucha homber. Lady Ruth ta hanja cu nos hobennan aki na Aruba a mehora hopi den nan temanan escogi y comparti. Nos islanan ruman Boneiro y Corsouw semper ta bin masha masha fuerte mes cu nan representantenan den e competencianan aki di Arte di Palabra. Nos ta contento cu nos prome ministro alaves encarga cu cultura tawata presente y sigur a anima cu su apoyo y bon discurso nos hobennan talentoso. Y aunke nos a custumbra di wak Xiomara Maduro den e funcion ey, pueblo lo custumbra cu e cara di e carismatico y guapo sr. Mike Eman y beautiful Doina, pareha felis, na eventonan cultural sigur. Un bon comienzo di e Gabinete AVP/FUTURO. Pueblo ta spera di por wak tambe nos vice prome minister e elegante sra. Gerlien Croes tambe na actividadnan asina cu ta toca Ensejanza tambe den futuro sercano. Pabien na e organisadornan di



Arte di Palabra y DCA. AdP Aruba tawatatin como maestra y maestro di ceremonia e talentoso Samanta Trinidad y Leo Phillips cu a hasi un bunita papel, teniendo contacto cu e publico regularmente. Algun di e scolnan tawata mas bon representa cu un publico grandi, compara cu e otronan. Pabien na e ganadornan di Arte di Palabra Aruba 2025. Nan mes lo manda e lista pa prensa. Danki pa lesa nos relato di e siman aki. Nos ta desea pueblo di Aruba un bon dia colma di salud na prome lugar. Corda gradici bon Dios pa tur cos bon cu e ta permiti den nos bida. Nos ta desea Gabinete AVP/FUTURO hopi bendicion pa un bon gobernacion y cu cada un persona cu ta den Parlamento traha cu amor pa Aruba. No ta wega di khaki sconde, no ta gana nada cu atakenan personal. Ban traha cu respet pa nos mes y pa otro

na maneranan humano y profesional. Ah si ! Lady Ruth a gusta e bunita outfit dress di Vivian Lampe, di vice prome minister mr. Gerlien Croes y di minister Mervin Wyatt Ras bisti e anochi riba Plaza Padu ! Nice combination y artistico ! Pabien na tur e artistanan cu a duna nan bunita presentacion e anochi ey ! Y awor.... ban traha pa Aruba !! Team work ! Duna y pidi conseho no ta costa nada ! Good luck !

Clasificados

SOLODIPUEBLO@GMAIL.COM
CEL.585 9500

SOLO Di Pueblo

Hoben cu tabata haci fastioso a ser saca for di Windcreek Casino



Diasabra madruga a drenta informe di cu tin un hoben cu tabata haciendo fastioso na Windcreek Casino, mesora a dirigi un patruya na e sitio.

Na yegada di e patruya nan a topa cu e hoben cu a ser saca for di casino door

di e security, polis a ripara cu e hoben tabata papia masha trankilo pero segun e security ela haci fastioso paden ora cu ela perde. Polis a papia cu e hoben bisando cu e no por haci esey den un lugar publico. E hoben a compronde y a bandona e sitio.

Clasificados


SOLODIPUEBLO@GMAIL.COM
CEL.585 9500

SUDOKU


8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4


		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		




Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - April 06, 2025

CATONCHI Sorteo # 4586 5897 6826 5481	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 280.000,-	Joker Letter Proximo Jackpot
MULTI X FP BIG 4 Sorteo # 4586 3334	LOTTO DIA Sorteo # 6792 0 x Jackpot 12 x Match 4 127 x Afl. 8,00 70.000,-	03-04-10-15-28
X2 10FF Sorteo # 2642 7130	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 350.000,-	Mega Ball
ZODIAC Sorteo # 4586 0879 Leo	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Afl. 520.000,-	
LUCKY 3 Sorteo # 1460 342	KORSOU Sorteo #	
MULTI X X2		



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - April 06, 2025

CATONCHI Sorteo # 8515 5690 7782 3834	LOTTO 5 Sorteo # 2582 0 x Jackpot 0 x Match 4+ 10 x Match 4 227 x Afl. 12,00 280.000,-	02-11-12-26-31 Joker 23 Letter C Proximo Jackpot
MULTI X X2 BIG 4 Sorteo # 7559 4604	LOTTO DIA Sorteo # 6791 0 x Jackpot 8 x Match 4 122 x Afl. 8,00 67.000,-	02-13-14-15-16 Proximo Jackpot
X2 10FF Sorteo # 2264 0631	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 350.000,-	Mega Ball
ZODIAC Sorteo # 6318 8467 Aries	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Afl. 520.000,-	
LUCKY 3 Sorteo # 1248 658	KORSOU Sorteo #	
MULTI X FP		

FORTALEZA PA FAMIA

Scirbi pa Pastor Marcel Balootje.

E AMOR DI DIOS TA ASINA BUNITA

E amor di Dios ta asina bunita y no tin nada pa iguala cu e amor di Dios, Dios ta stima tur hende, Dios ta bendiciona tur hende, Dios ta disciplina tur hende, Dios ta coregi tur hende y e cos di mas dushi ta cu tur hende ta bon bini serca Dios, Y Dios no kier pa ningun hende bay perdi, pero pa tur yega na conocimiento di e berdad.

E amor di Dios ta trece crecimiento, sanacion, liberacion, e amor di Dios ta constante, e amor di Dios ta firme, e amor di Dios ta fiel, no tin nada mas grandi, mas halto, mas hanchu cu e amor di Dios, no tin nada cu por separa nos for di e amor di Dios, si un hende tin mester di

amor, awel bati na porta di Dios, y bo ta hanja amor na abundancia. Serca Dios lo bo conoce loke ta berdadero amor.

Amor tin pasenshi, amor ta carinoso, y no ta jaloers, amor no ta gaba, y no ta arrogante, e no ta comporta su mes indecente, e no ta busca su propio interes, e no ta wordo provoca, e no ta warda rencor, e no ta regosiha den inhusticia, ma ta regosiha den e berdad, tur cos e ta tapa, tur cos e ta kere, tur cos e ta spera, tur cos e ta soporta. (1 Corintionan 13:4-7).

Si nos wak bon, locual e palabra di Dios ta bisa kico ta amor, anto nos lo ripara, cu tin hopi cos cu hende ta yama amor awendia, cu no tin nada di

amor den dje.

Ora bo ta stima un hende, bo no ta ofende e persona, bo no lastima e persona ni verbal ni fisicamente, bo no lastra su number, bo no ta kibra e persona, ta dificil bisa como homber cu bo ta stima un muher y bo ta bati e muher, ta dificil bisa bo ta stima bo esposa, pero toch bo tin mas muher den bo bida. Esun cu ta stima su famia, no ta perhudica, ni tampoco traiciona su famia, ma e ta zorg pa e ta un bendicion pa su famia.

Mira ki un amor grandi e Tata a duna nos, cu nos por wordo yama yiunan di Dios, y esey nos ta, pesey e mundo no conoce nos, pasobra e no a conoc'e. (1 Juan 3:1).

Den amor E a predestina nos, pa wordo adopta. Como Su yiunan pa medio di Hesus Cristo, segun e bon intencion di Su boluntad. (Efesionan 1:5).

Den dj'E nos tin redencion pa medio di Su sanger, e pordon di nos pica, segun e rikesa di Su gracia. (Efesionan 1:7).

Ta cosnan grandi Dios a haci den nos bida, ta un privilegio pa entrega nos bida na Cristo Hesus y biba den e boluntad di Dios, wardando ansiosamente e binida di nos Senyor Cristo Hesus, cu pronto lo bin busca Su pueblo.

Dios a demostra Su mes

amor pa cu nos den esaki, cu tempo nos tabata pecador ainda, Cristo a muri pa nos. Muchu mas siendo hustifica awor pa medio di Su sanger, nos lota salba, for di e furia di Dios, door di dj'E. (Romanonan 5:8-9). romano

Pasobra di tempo nos tabata enemigo, nos a wordo reconcilia cu Dios, door di morto di Su Yiu, cuanto mas, siendo reconcilia, nos lo ta salba, pa medio di Su bida. (Romanonan 5:10).

Pasobra e amor di Cristo ta obliga nos, yegando na e conclusion aki, cu un a muri pa tur, pesey tur a muri, y E a muri pa tur, pa esnan cu ta biba no biba pa nan mes, ma pa esun cu a muri y cu a resusita pa nan motibo. (2 Corintionan 5:14-15).

Sinceramente, Pastor Marcel Balootje.

Oracion di dia

Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec." (Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen

Paga bo cuenta online ta facil

Sea
Abonnement
of Aviso

Pago online,
facil y lihe

Pa hasi pago online pone number y adres na
cuenta di banco RBC Sunmax Printing
account # 7700000100152447